

Visoka škola eMPIRICA održala svečani akademski čas za bruoše

# Svečani prijem

Visok kvalitetan pristup obrazovnom procesu, u kojem se zahtjevi i potrebe studenta nalaze u fokusu

Visoka škola računarstva i poslovnih komunikacija eMPIRICA u Brčko distriktu BiH je 07. oktobra 2013. godine, održala svečani akademski čas za novu generaciju svojih studenata, čime je i službeno obilježen početak nastave u akademskoj 2013/2014. godini.

Akademskom času se odazvao veliki broj bruoša kojima su se obratili predstavnici uprave, nastavnici i osnivači ove visokoškolske ustanove sa riječima dobrodošlice. Direktor Visoke škole eMPIRICA, mr. sci. Muhdin Mujačić, dipl.



Akademskom času se odazvao veliki broj bruoša

ing. el. se prvi obratio studentima, rekavši: „Uspješna je godina iza nas, puna nastojanja da dokažemo svoju kvalitetu i da pružimo obećano svojim studentima. Prije tačno godinu danas smo se obavezali da ćemo ih učiniti istinskim stručnjacima, dobrim zaposlenicima, poželjnim saradnicima, odgovornim građanima. Smatramo, a u tome od svojih studenata dobijamo brojne potvrde, da smo dato obećanje predanim radom i zalaganjem nastavnog osoblja i ispunjavali u prošloj akademskoj godini.“



Upoznavanje sa eCampus sistemom

## Usklađeni sa zakonom

Osim toga, gospodin Mujačić je istakao i da: „Visoka škola eMPIRICA svoje glavno opredjeljenje bazira na obrazovanju kvalitetnog IT kadra spremnog da se suoči sa izazovima u praksi, što predstavlja segment obrazovanja koji je do sada bio nedovoljno razvijen na prostoru BiH.“ Dalje je podsjetio prisutne da je Odjeljenje za obrazovanje u Vladi Brčko distrikta pokrenulo upravnu kontrolu nad radom svih privatnih visokoškolskih ustanova u Brčkom u julu ove godine, a ista je izvršena i na Visokoj školi eMPIRICA. Dokument koji je nakon ove kontrole izdalo Odjeljenje za obrazovanje potvrdilo je da je eMPIRICA obavljala svoju djelatnost u skladu sa zakonom i definisanim standardima i normativima.

Na kraju, gospodin Mujačić je naglasio da pored kvalitetnog akademskog osoblja i moderne opreme, Visoka škola eMPIRICA svojim studentima pruža i mogućnost dobijanja dvojne diplome na studijskom programu Poslovna informatika, te edukaciju za potrebe sticanja priznatih industrijskih certifikata—konkretno Cisco Networking Academy program u okviru studijskog programa Inženjerska informatika, a da studenti eMPIRICE imaju odobrene posebne popuste za certificiranje prema međunarodnim industrijskim certifikatima vodećih svjetskih IT kompanija kao što su Microsoft, Adobe, HP i drugi u okviru Certiport testnog centra koji djeluje na eMPIRICI.



Obraćanje direktora eMPIRICE mr. sci. Muhdina Mujačića

## Dvojne diplome

Studentima se putem Cisco WebEx web-videokonferencijskog sistema iz Ljubljane obratila i dr. sci. Julija Lapuh Bele, dekanesa Visoke škole za poslovne vede iz Ljubljane koja je suosnivač Visoke škole eMPIRICA. Gospođa Lapuh Bele je izrazila ponos i radost što su studenti odlučili svoje obrazovanje povjeriti Visokoj školi eMPIRICA, te je također podsjetila studente studijskog programa Poslovna informatika da će oni koji su odabrali tu opciju, nakon završetka svog školovanja, steći dvije diplome—diplomu Visoke škole eMPIRICA i diplomu Visoke škole za poslovne vede iz Ljubljane, što znači da će studenti Poslovne informatike steći diplomu koja važi u Evropskoj uniji.

Putem WebEx sistema, koji se od ove godine na eMPIRICI koristi za potrebe realizacije videokonferencijskih predavanja, studente su pozdravili i nastavnici eMPIRICE iz drugih gradova BiH.

Nakon akademskog časa studenti su prisustvovali i uvodnim predavanjima prema rasporedu nastave te obuci za korištenje softverskog paketa MS DreamSpark koji će koristiti tokom svog studija. Naročito su zadovoljstvo izrazili studenti koji su se odlučili za studij na daljinu, jer im je nastavno osoblje Visoke škole eMPIRICA detaljno pojasnilo osnovne aspekte funkcionisanja platforme za učenje na daljinu—eCampus.

Studenti su izrazili svoje zadovoljstvo i spremnost da uz pomoć akademskog osoblja Visoke škole eMPIRICA te savremene IKT opreme usvoje kvalitetna i primjenjiva znanja iz oblasti informacijskih i komunikacijskih tehnologija kao i oblasti poslovanja.